

ТИББИЁТДА ҚЎЛЛАНИЛИШИГА ДОИР ЙЎРИҚНОМА РИНОМАКС® АКТИВ ТАБ

Ушбу қўлланилишига доир йўриқномани дори воситасини қабул қилишдан олдин диққат билан ўқиб чиқишингизни илтимос қиламиз. Унда Сиз учун муҳим маълумотлар мавжуд.

Қўлланилишига доир маълумотни сақлаган ушбу қўлланилишига доир йўриқномани сақлаб қўйинг, чунки кейинчалик Сизда уни яна бир бор ўқиб чиқишга зарурат туғилиши мумкин.

Илтимос, ҳар қандай қўшимча маълумот ёки маслаҳатни олиш учун шифокорингиз ёки фармацевтингизга мурожаат қилинг.

Шифокорингиз ушбу дори воситасини шахсан Сизга буюрилган. Уни бошқа шахсларга берманг. Препарат уларга зиён етказиши мумкин, ҳаттоки уларнинг касаллик симптомлари Сизники билан ўхшаш бўлса ҳам.

Препаратнинг савдо номи: РИНОМАКС® АКТИВ ТАБ

Таъсир этувчи моддалар (ХПН): парацетамол, кофеин, фенилэфрин гидрохлориди, хлорфенирамин малеати.

Дори шакли: таблеткалар

Таркиби:

ҳар бир таблетка қуйидагиларни сақлайди:

фаол моддалар: парацетамол – 500 мг, кофеин – 30 мг, фенилэфрин гидрохлориди – 10 мг, хлорфенирамин малеати – 2 мг.

ёрдамчи моддалар: карбоксиметилкрахмал натрий, повидон, пропиленгликоль, маккажўхори крахмали, метилпарабен, пропилпарабен, сарик “куёш шафақи” бўёвчиси, тальк, микрокристаллик целлюлоза, магний стеарати.

Таърифи: оч-тўқ сарик рангдан, тўқ сарик рангча бўлган, оқ ва тўқ сарик рангли доғлари бўлган, рискали ясси таблеткалар.

Фармакотерапевтик гуруҳи: ЎРК “шамоллаш” симптомларини баратараф этиши учун ва (психостимулятор восита+анальгетик нонаркотик восита+альфа-адреномиметик+H₁+гистамин рецепторларининг блокатори) воситаси.

АТХ коди: N02BE71

Фармакологик хусусиятлари

РИНОМАКС® АКТИВ ТАБ – мажмуавий препарат бўлиб, таркибига кирувчи компонентларнинг хусусиятлари билан боғлиқ бўлган анальгетик, иситмани туширувчи ва аллергияга қарши таъсирларга эга.

Парацетамол (ацетаминофен) – анальгетик-антипиретик, анальгетик ва иситмани туширувчи таъсир кўрсатади. Шамоллаш касалликларида оғриқли синдромларни камайтиради, томоқ оғриғи, бош оғриғи, мушак ва бўғим оғриқлари, юқори ҳароратни пасайтиради. Таъсир механизми гипоталамусдаги терморегуляция марказида простагландинлар синтезини сусайтириши билан боғлиқ.

Кофеин – марказий нерв тизимига (МНТ) рағбатлантирувчи таъсирга эга, чарчоқлик ва уйқучанликни камайтиришига, жисмоний ва ақлий иш қобилиятини оширишига олиб келади.

Фенилэфрин гидрохлориди – альфа1-адреномиметик. Қон-томирларни торайтирувчи таъсир кўрсатади, нафас йўллари ва буруннинг ёндош бўшлиқлари шиллиқ қаватининг шиши ва гиперемиясини камайтиради, бурун орқали нафасни енгиллаштиради.

Хлорфенирамин малеати (хлорфенирамин) – H₁-рецепторларнинг блокатори, аллергияга қарши таъсир кўрсатади, бурун бўшлиғи, бурун ҳалқуми ва буруннинг ёндош бўшлиқларининг шиши ва гиперемиясини камайтиради, кўзлар ва бурунни қичишишини йўқотади, бурун орқали нафасни енгиллаштиради. Экссудатив ҳужайраларни камайтиради.

Фармакокинетикаси

Парацетамол

Меъда-ичак йўлларида (МИЙ), асосан ингичка ичакда тез ва деярли тўлиқ сўрилади. 500 мг дозада бир марта қабул қилингандан кейин қон плазмасидаги максимал концентрациясига (C_{max}) 10-60 минутдан кейин эришилади ва 16 мкг/мл ни ташкил қилади, сўнгра тахминан пасаяди ва 6 соатдан кейин 11-12 мкг/мл ни ташкил этади. Қон оқсиллари билан боғланиши аҳамиятсиз. Ярим чиқарилиш даври ($T_{1/2}$) 1-4 соатни ташкил қилади, аммо доза ошириб юборилганда жигар касалликларида ва кексаларда узайиши мумкин. Сийдик билан асосан глюкуронид ва сульфатли конъюгатлар кўринишида чиқарилади.

Кофеин

Жигарда (97%) 1,7-метилксантин, 1,7-диметилметилксантин ва 1,3-диметилмочевина кислотасигача метаболизмга учрайди, улар сийдик билан чиқарилади.

Фенилэфрин

Ичга қабул қилингандан кейин меъда-ичак йўлларида ёмон сўрилади. Ичак деворида ва жигардан “биринчи ўтиши” да ва моноаминооксидаза иштирокида метаболизмга учрайди. Фенилэфриннинг биокираолиши паст. Организмдан буйраклар орқали чиқарилади.

Хлорфенирамин

Ичга қабул қилинганидан кейин меъда-ичак йўлларида яхши сўрилади. Гематоэнцефалик тўсиқ орқали ҳар хил тўқималарга киради. Оқсиллар билан боғланиши- юқори. Жигарда метил гуруҳини бириктириб йўли орқали метаболизмга учрайди. Метаболитлар кўринишида ва меъда-ичак йўллари ва буйраклар кўринишида чиқарилади.

Қўлланилиши

Грипп, ЎРВИ (иситма синдроми, оғриқ синдроми, ринорея), аллергия ринит ва ринит, бурунни битиши, бош оғриғи, иситма, этни увишиши, бўғим ва мушакларда оғриқ билан кечувчи бошқа шомоллаш касалликларини симптоматик даволашда қўлланилади.

Қўллаш усули ва дозалари

РИНОМАКС® АКТИВ ТАБ ни ҳар доим Сизнинг даволовчи шифокорингиз тавсиясига мос равишда қабул қилинг. Агар Сизда бирон бир шончсизлик тугилса, шифокор ёки фармацевтдан сўранг.

Овқат қабул қилингандан кейин, 1-2 соат ўтгач препарат ичга буюрилади.

Катталар ва 12 ёшдан ошган болаларга 1 таблеткадан ҳар 4-6 соат буюрилади. Максимал бир марталик доза – 1 таблетка, максимал суткалик доза – 4 таблетка. Даволаш курси – 5 кундан кўп эмас.

Терапевтик самара етарли бўлмаганда, шунингдек янги симптомлар пайдо бўлганда, жиддийроқ касаллик бўлиши мумкинлиги туфайли тез шифокорга мурожаат этиш керак.

Ножўя таъсирлари

Ҳар қандай бошқа дори препаратлари каби РИНОМАКС® АКТИВ ТАБ ножўя таъсирлар чақириши мумкин, гарчи у ҳаммада ҳам намоён бўлмаслиги мумкин.

РИНОМАКС® АКТИВ ТАБ препаратини қўллашда қуйидаги ножўя таъсирлар чақирилиши мумкин:

Аллергик реакциялар: тери тошмаси, қичишиш, эшакеми, ангионевротик шиш.

Марказий нерв тизими томонидан: бош айланиши, уйқуга кетишни бузилиши, юқори кўзғалувчанлик.

Юрак-қон томир тизими томонидан: АБ ошиши, тахикардия.

Овқат ҳазм қилиш тизими томонидан: оғизни қуриши, кўнгил айнаши, қусиш, эпигастрия соҳасида оғриқ, гепатотоксик таъсир.

Кўриш аъзолари томонидан: мидриаз, аккомодация парези, кўз ички босимини ошиши.

Қон яратилиш тизими томонидан: анемия, тромбоцитопения, агранулоцитоз, гемолитик анемия, апластик анемия, метгемоглобинемия, панцитопения.

Сийдик-чиқариш тизими томонидан: буйрак санчиқлари, глюкозурия, интерстициал нефрит, папилляр некроз.

Нафас олиш тизими томонидан: бронхообструкция.

Агар Сизда бу қўлланилишигага доир йўриқномада таърифланмаган ҳар қандай бошқа ножўя реакциялар аниқланса, Сиз бу ҳақида шифокор ёки фармацевтга хабар беринг.

Қўллаш мумкин бўлмаган ҳолатлар

РИНОМАКС® АКТИВ ТАБ қуйидаги ҳолларда қўлланилмасин:

- Парацетамолга ва препаратининг таркибига кирувчи бошқа компонентларига юқори сезувчанлик;
- РИНОМАКС® АКТИВ ТАБ таркибига кирувчи моддалар сақловчи бошқа препаратларни қабул қилиш;
- Коронар артерияларнинг яққол атеросклерози, юрак ишемик касаллиги;
- Аритериял гипертензия (оғир кечиши);
- Қандли диабет (оғир кечиши);
- Бета-адреноблокаторлар, моноаминооксидаза ингибиторлари, трициклик антидепрессантларни бир вақтда қабул қилиш;
- Ҳомиладорлик, лактация даври;
- 12 ёшгача бўлган болалар.

Эҳтиёткорлик билан: артериял гипертензия, қалқонсимон безининг касалликлари (тиреотоксикоз, гипертиреоз); феохромацитом, қандли диабет, бронхиял астма, ўпканинг сурункали обструктив касаллиги, глюкоза-6-фосфатдегидрогеназа танқислиги, қон касалликлари, туғма гипербилирубинемия (Жильбер, Дубин-Джонсон ва Ротора синдромлари), жигар ва/ёки буйрак етишмовчилиги, ёпикбурчакли глаукома, простата безининг гиперплазиясида (сийдик чиқарилишини қийинлаштириши, қовуқ бўйнининг обструкцияси) эҳтиёткорлик билан қўлланилиши лозим.

Дориларнинг ўзаро таъсири

Илтимос, агар Сиз яқин орада қандайдир бошқа препаратларни қабул қилган ёки қабул қилаётган бўлсангиз, агар у рецетсиз берилаётган бўлса ҳам, ўз шифокорингиз ёки фармацевтга маълум қилинг.

РИНОМАКС® АКТИВ ТАБ этанол, седатив препаратлари, МАО ингибиторларининг самарасини оширади.

РИНОМАКС® АКТИВ ТАБ препарати антидепрессантлар, паркинсонизмга қарши воситалар, антипсихотик воситалари, фенотиазин ҳосилалари билан бир вақтда қўлланилганда, сийдикни тутилиши, оғизни қуриши, қабзиятлар ривожланишини хавфи оширади.

ГКС РИНОМАКС® АКТИВ ТАБ препарати билан бир вақтда қўлланганда глаукома ривожланиши хавфини оширади.

Парацетамол диуретик препаратларнинг самарасини пасайтиради.

Этанол антигистамин дори воситаларини седатив таъсирини оширади.

Хлорамфенираминни МАО ингибиторлари, фуразолидон билан бир вақтда қўлланганда гипертоник кризга, кўзғалишга, гиперпирексияга олиб келиши мумкин.

Трициклик антидепрессантлар фенилэфриннинг қўлланилганда адреномиметик таъсирини оширади, галатонни бир вақтда буюриш қоринчалар аритмияси ривожланиши хавфини оширади.

Фенилэфрин гуанетидиннинг гипотензив таъсирини пасайтиради, у ўз навбатида фенилэфриннинг альфа-адреностимулловчи фаоллигини оширади.

РИНОМАКС® АКТИВ ТАБ ни барбитуратлар, дифенин, карбамазепин, рифампицин ва жигар микросомал ферментларининг бошқа индукторлари билан бир вақтда қўллаш, парацетамолнинг гепатотоксик таъсири ривожланиши хавфини оширади.

Махсус кўрсатмалар

РИНОМАКС® АКТИВ ТАБ препаратини қўллаш даврида алкоголь, уйқу чақирувчи ва анксиолитик препаратларни (транквилизаторлар) қабул қилишдан сақланиш лозим.

Агар, препаратни қабул қилишга қарамасдан, касаллик симптомлари 3-5 кун давомида ўтиб кетмаса, шифокорга мурожаат қилиш керак.

Парацетамол сақловчи бошқа дори воситаларини биргаликда қабул қилманг.

Узоқ вақт давомида қўлланганда препарат нефротоксик ва гепатотоксик таъсир кўрсатади.

Ҳомиладорлик ва лактация даврида қўлланилиши

Ҳомиладорлик, лактация даврида қўллаш мумкин эмас. Агар Сиз РИНОМАКС® АКТИВ ТАБ қўллаётганингизда ҳомиладор эканлигининг билиб қолсангиз, дарҳол Ўзингизнинг шифокорингизга маълум қилинг, чунки у даволашни давом эттириш масаласини ҳал қилади.

Жигар функциясининг бузилишларида қўлланилиши

Жигар етишмовчилигида эҳтиёткорлик билан қўлланади.

Буйраклар функциясининг бузилишларида қўлланилиши

Буйрак етишмовчилигида эҳтиёткорлик билан қўлланади.

Болаларда қўлланилиши

12 ёшгача бўлган болаларда қўллаш мумкин эмас.

Автомобилни ва мураккаб механизмларни бошқариш қобилиятига таъсири

Даволаш вақтида автомобилни бошқариш ва юқори диққатни талаб этувчи бошқа потенциал хавфли фаолият турлари билан шугулланишдан сақланиш керак.

Дозани ошириб юборилиши

Сизга буюрилган дозадан кўпроқ доза қабул қилганингизда, дарҳол ёрдамга шифокорга мурожаат қилинг!

Симptomлари (10-15 г дан кўпроқ парацетамол қўлланганда намоён бўлади): тери қопламаларини оқариши, иштахани йўқолиши, кўнгил айниши, қусиш; гепатонекроз; "жигар" трансминазалари фаоллигини ошиши, протромбин вақтини ошиши.

Даволаш: меъдани биринчи 6 соат давомида фаоллаштирилган кўмир билан ювиш буюрилади, доза ошириб юборилишидан 8-9 соатдан кейин метионин донаторлари ва 12 соатдан кейин N-ацетилцистеин юборилади.

Чиқарилиш шакли

4, 10 таблеткалар контур-уяли ўрамларда.

1, 2, 5, 10 контур-уяли ўрам давлат тилида ва рус тилида тиббиётда қўлланилишига доир йўриқномаси билан қаттиқ қоғоздаги қути ичига солинади.

Сақлаш шароити

Куруқ, ёруғликдан химояланган жойда, 25°C дан юқори бўлмаган ҳароратда сақлансин.

Болалар ололмайдиган жойда сақлансин.

Яроқлилиқ муддати

3 йил.

Яроқлилиқ муддати ўтгач қўлланилмасин.

Дорихоналардан бериш тартиби

Рецептсиз.

Ишлаб чиқарувчи:

«NIKA PHARM» МЧЖ

Ўзбекистон Республикаси ҳудудида дори воситаларининг сифати бўйича эътирозлар (таклифлар) ни қабул қилувчи ташкилот номи ва манзили:

«NIKA PHARM» МЧЖ,

Ўзбекистон Республикаси, Тошкент ш., Сайрам 7-тор кўчаси, 48-А уй.

Тел: 998 78 150 86 68; факс: 99878 150 84 48. www.nikapharm.uz